



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

IV. Magnus Societatis Iesu Collegiorum in Germania numerus.

urn:nbn:de:hbz:466:1-10880

multis annis plurimo cum fructu provinciarum il-
larum & bono sustentatum, & à Societate guber-
natum.

IV. Societas hæc postquam in Germaniam ad
commune restinguendum incendium venit, magna
multorum alacritate excepta est, in primis Ferdi-
nandi Regis & Imperatoris, cuius liberalitate Col-
legium Viennæ primum, deinde Pragæ quoq; fuit
institutum: unde statim vox veritatis in mendaci
regiones spargi cœpit, secundum illud Prophetæ.
[a] Super muros tuos, Hierusalem, constitui custodes to-
ta die & tota nocte in perpetuum non tacebunt. Hujus
exēplo alijs Principes & Republicæ Catholicæ re-
ligionis observantes eidem Societati scholas passim
erexerunt, Collegia instituerunt, ac certos redditus,
quo ceteris curis vacui, instituendæ juventuti &
communi saluti procurandæ unice invigilare pos-
sent, assignarunt, iis præsertim in locis ubi Luthe-
ranorum & Anabaptistarum hæreses in valescebat:
ex quo factum est, ut non pauci, errore suo agnito,
ad Catholicam Ecclesiam velut postliminio reversi
sint. Sed & multi ex Ecclesiastico ordine, qui olim
in puppis dentes clavum tenere solebant, tum ve-
ro vilia tantum mesonautarum mania obibant, So-
cietas quasi celeumate exciti, ad pristina sua mu-
nia accurrerunt, sic ut conjuncta horum operâ Ca-
tholica religio multis in locis unde turpiter profi-
gata fuerat, restituta sit. Germaniæ Civitatum Co-
lonia Agrippina una ex primis, sub hunc Ajacis vali-
dum cōtra omnes hæreticorum impetus clypeum,
admissa Societas, sese recepit, magno cum Reipu-
blica fructu: quod plures quotidie a lectis & hære-
sibus ad Catholicæ Ecclesiam communionem redi-
rent; sic ut hodie etiam Civitas illa firmissimum sit
Catholicæ religionis iis in locis propugnaculum &
Catholicæ fidei per Germaniam Seminarium, de
qua recte dici possit;

Quod Roma est Italia, hoc sancta Colonia Teucris.

Eadem Societas pari humanitate & alacritate à
Trevirensi Archiepiscopo & Electore suscepta fuit,
in cuius diœcesi brevi magnus tam sectariorum
quam Judæorum numerus Catholicæ se Ecclesiæ
adjunxit. In metropoli hujus Archiepiscopatus A-
cademia est pervetusta: qua Societas industria è
ruderibus quasi excitata & pristino splendori resti-
tuta est. Sed & Moguntia Archiepiscopi & Electro-
ris liberalitate duo eis Collegia constituta sunt, in
quorum uno Patres degunt, in altero juventus cer-
to precio alitur, & incredibili præfectorum soller-
tia eruditur. Virceburi quoque, quam Herbipoli
appellant, Episcopus magnificentem ei Collegium

ac seminarium ædificavit, in quo plures adolescē-
tes Episcopi sumtibus educantur, & quibus decurso
Philosophici & Theologici studii spacio, ad varia
Ecclesiæ ministeria idonei evocātur. Quamvis au-
tem tota hæc diœcesis (qua pars est non minima
Franconia) ab hæreticis undiq; circumseita sit, So-
cietas tamen potissimum industria ab hæresis cō-
tagione fuit præservata: quinetiam proximis quin-
decim annis multi ad ovile Christi reducti sunt.
Fulda quoq; Abbatis, qui Princeps est Imperii, be-
neficio, præter Patrum Collegium, Seminarium
Nobilitatis fuit institutum, ut Nobilis juventus in
Catholicæ Ecclesiæ gremio educata, & à tam peri-
tis magistris erudita, ad ejusdem defensionem olim
tanto promptius accurat. Sic legimus apud Gallos
olim magnatum filios, ubi septimum ætatis annum
attigissent, Draydum curæ fuisse commissæ, ut ab
iis, tam in religione & majorum sacræ erudirentur,
quam ad patriæ defensionem animarentur. Quod si
optimus ille Abbas, singulare doctrinæ & virtutis
exemplar, non ab iis qui omne ei debebant au-
xilium, destitutus atque impeditus fuisset, majores
certe à Collegiis illis fructus sperari poterant, quo-
rum tamen ne si quidem pœnitere bonos cives
potest, & ubiores forte per Dei gratiam in poste-
rum inde redundabunt. *Confluentia* quoque Je-
suitarum est Collegium, ut & Paderbornæ in VVest-
phalia. Sed & Argentoratenis Episcopus eis-
dem in oppido Molshemensi Collegium instituit,
ut in medio quasi hæreticorum Catholicæ religio-
ni esset præsidium. *Aquisgranum* iidem à Senatti
admissi, Imperatoris vero iussu Lutherani & Cal-
vinistæ inde ejecti sunt, quod nefas videoetur,
Thronum magni illius Imperatoris, qui primus
Christianissimus fuit appellatus, hæreticorum
esse asylum & receptaculum. Sed & Augusta Vin-
delicorum sedem eis non negavit, Cardinali Otho-
ne Truchessio potissimum allaborante, qui no-
bilissimam & amplissimam urbem ab interitu
vix alter conservari posse animadvertebat. Eo
missus Claudio Jaius, Anno M. D. LIV. prima
Collegii fundamenta jecit, Joannis & Georgii
Fuggerorum liberalitate; tali cum fructu ut vi-
cini qui antea magna ex parte hæresi infecti fue-
rant, jam ad Catholicam religionem plane sint ad-
scripti. Sed injuriam facere video sapientissimo
& Catholicæ religionis servantissimo Principi,
Alberto Bavariae Duci, quod eum inter postremos
nominem qui primus Societatem hanc ad se

C. euoca-

[a] Isaia 62.6.

euocavit, & quatuor illi præcipuas sui Ducatus ci-
vitates inhabitandas concessit, Monachium scilicet
Frisingam Episcopatu insignem, Lanspergum, &
Ingolstadium. Academia celebrem, Sed ecce optimi
Principis ad Generalem Societatis præfectum Ja-
cobum Lainem litteras: ut inde intelligas, quo-
nam fructus iis in locis Societas attulerit, & quid
de hæreſeon extirpatione sperari possit.

ALBERTVS, DEI GRATIA, COMES PA-
latinus Rheni, utriusque Bavariae Dux; Reverendo
in Deo Patri Iacobo Layni, è Societate
Iesu.

Ex litteris quas superiori anno ad Paternitatem
Vestram misi, rogans ut viri aliquot graves &
docti è Societate vestra ad Nos mitterentur, existima-
tionem Nostram de vestro ordine satis potuisti intellige-
re, & quam magnos inde fructus ad universam Rem-
publicam Christianam inde redituros speravimus. Qua-
spes nostra nequaquam nos defellit: siquidem quos postea
ad nos misisti Patres, tam bene ac feliciter aſſpicati
sunt, ut viri & sanctitate, salubritate doctrinae & admirabi-
lī docendi labore alios uos fratres Collegii Ingol-
stadiensis, vincere velle videantur: idque laudabili
quadam & Ecclesie utili emulatione. Et illi quidem
jam in eo sunt, ut super solidis his fundamentis adi-
ſcium superſtruant & abſolvant integra converſatio-
ne, sermonibus & exhortationibus altius quotidie edu-
cendo, tum etiam ſepem vinea Domini diligenter re-
parando ac muniendo, ne à bestiis irruptiſbus va-
ſetur, tum ſpinis exciſiendis & rizanis evellendis,
ſacra denique illa vinea modi omnibus excolenda. E-
quidem ex his Societatis vestra ſeminariis ſperamus
Eccleſiam aliquando reformatum & pristino ſplendori
ſuo reſtitutum iri. Quis enim homo vere Christianus
non ex animo gaudeat, videns per excellentem filiorum
Paternitatis vestre doctrinam vitamque laudabilem
hereticorum vires debilitatas, & pertinaciam conſu-
ſam ac pudefactam? De quo merito tibi tamquam ejuſ-
modi filiorum patri, congratulamur, quorum opera
unice ſperamus heres tandem extinctum, & Catholicam
religionem reſtitutum iri. Huic gaudio nostro &
ſpei unum obſtat, quod Patres Societatis vestre his in
locis parvo eſſe numero videmus, pro ea qui ſuſtinenti
ipſis ſunt, laborum magnitudine. Augeſcente enim quo-
tidie Catholicorum numero, multa eis onera ſimul ſu-
bēndia ſunt, docendi in ſcholiis, prædicandi, audiendi
Confessiones, infirmos confirmandi, lapsos ſublevandi,

multa denique alia ministeria obeundi: que omnia
humano more loquendo, ſine ſummo valetudinis in-
commodo fieri ab ipſis non poſſunt. Quare Vestram Pa-
ternitatem rogamus, ut filiorum, ob onera & labores
quas ſupra vires perferunt, commiſſerata, alios ad nos
mittat, qui in partem laboris veniant, & in magna hac
melle que in terris noſtris eſt colligenda, hoc denique
Collegium ad requiſitam perfectionem perducendo, ope-
ram ſuam cum reliquo coniungant. Ex noſtra parte
Nos quidem eorum neceſſitatis ita providebimus, ut
omnes in ſignem noſtrum amorem & benevolentiam
qua venerabilem vestram Societatem prosequimur,
cognoscant; eum in finem conſilia noſtra omnia di-
rigentes, ut in Collegio noſtro Sancta & Catholica religio
ſemper ſarta teſta conſervetur. Mandavimus etiam
ut ſumtuſ omnes quos Patres ad nos mittendi in itinere
facturi ſunt, de noſtro exſolvantur, ut Pater Canisius
vobis offendet. Monachii xxvii. Ianii, M. D. LX.

Sed jam alia Societatis in Germania Collegia
persequamur. Habent iidem Patres Collegium
Oeniponti, quod præcipuum eſt opulentissimi Co-
mitatus Tirolensis oppidum. Ibidem Imperator
Ferdinandus Anno M. D. LXII. Illustrem Scholam
ſeu Academiam aperuit, exstructis eum in uſum
magnificis ædibus, & tanto auctore dignis. Dillin-
gę quoque Otho Truchſessius à Walpurg, Cardi-
nal is & Episcopus Augustinus, eorumdem ſuauo &
ductu, nobilem Academiam instituit, e qua tam-
quam ex cornu copiæ multi docti viri prodierunt.
Fribugi quoque in Brigoia, & Braunsbergi in Pruf-
ſia ſocietas ſedem fixit, magno cum juventutis fru-
ctu: adeo ut Lutherani quoque filios ſuos erudi-
dos eis paſſim tradiderint, hac tamen conditione,
ut conſciencia ipſis libera permittatur. Sed plerum-
que fit, ut novellæ hæ plantæ; que nullo peccato
actuali gratiam baptismi perdiſerunt, fidei in fulle
virtute inclinentur, in ea dogmata & mores, que
ſunt ſecundum D'eu[m], & non ſecundum adiuen-
tiones cordis Lutheri, ut omittam illud, quod quo-
cumque per artatem fleti faciles tam conſuetudine
piam quam exemplō ad Catholicam religionem effi-
caciter perducantur, ut multis exemplis eſt mani-
festum. Porrō qui exac̄te ſcire cupit quibus in locis
& Civitatibus quum in Germania tum alibi Societ-
tas hæc Collegia habeat Geographiam Ecclesiasti-
cam à diversis editam, uti & chartam expaſtam
Provinciarum. Soc. Jesu aliquoties typis repe-
titam.

V. In his omnibus Collegiis infinitus quasi eſt
Jesuitarum numerus, quorum de doctrina tanta eſt
existima-